

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 33. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva zdravstva, Vlada Zeničko-dobojskog kantona, na 16. sjednici, održanoj dana 09.02.2024. godine, d o n o s i

ODLUKU

o usvajanju Programa utroška sredstava Ministarstva zdravstva na poziciji „Tekući transfer za JU Kantonalna bolnica Zenica“ Budžeta Zeničko-dobojskog kantona za 2024. godinu – Izvor 10

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - Tekući transferi drugim nivoima vlasti, subanalitika LAX010, pozicija „Tekući transfer za JU Kantonalna bolnica Zenica“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom godišnjem iznosu od 1.500.000,00 KM (slovima: jedanmilijonpetstotinahiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom realizovat će se u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-2654/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji
„Tekući transfer za JU Kantonalna bolnica Zenica“
Budžeta Zeničko-dobojskog kantona za 2024. godinu – Izvor 10

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2024. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 - Tekući transferi drugim nivoima vlasti, subanalitika LAX010, pozicija „Tekući transfer za JU Kantonalna bolnica Zenica“

II. SVRHA PROGRAMA

Svrha ovog programa je finansiranje zakonske obaveze za zdravstvene ustanove kojima je osnivač Zeničko-dobojski kanton u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13).

Ovim programom utroška sredstava omogućava se redovno servisiranje medicinske i nemedicinske opreme u JU Kantonalna bolnica Zenica i servisiranje informacionih sistema, kao i sprečavanje eventualnih situacija kada se zbog kvarova na medicinskim aparatima ne pružaju zdravstvene usluge pacijentima, a samim tim sprječava odliv novca iz ove zdravstvene ustanove.

III. VISINA SREDSTAVA

Sredstava utvrđena ovim programom iznose na godišnjem nivou 1.500.000,00 KM (slovima: jedanmilijonpetstotinahiljadakonvertibilnihmaraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 - Tekući transferi drugim nivoima vlasti, subanalitika LAX010, pozicija „Tekući transfer za JU Kantonalna bolnica Zenica“.

V. KORISNIK SREDSTAVA

Krajnji korisnik Programa je JU Kantonalna bolnica Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti obezbjeđuje sredstva za investiciono i tekuće održavanje zdravstvenih ustanova čiji je osnivač. Vlada Zeničko-dobojskog kantona u Budžetu planira sredstva čija je namjena pokriće troškova tekućeg održavanja koje ima JU Kantonalna bolnica na godišnjem nivou.

VI. KRITERIJ ZA RASPODJELU SREDSTAVA

Kriteriji raspodjele sredstava je Program utroška sredstava planiranih u Budžetu Zeničko-dobojskog kantona za 2024. godinu na poziciji LAX010, pozicija „Tekući transfer JU Kantonalnoj bolnici Zenica“ koji je JU Kantonalna bolnica Zenica dostavila Ministarstvu zdravstva svojim dopisom broj: 01-11-679/24 od 30.01.2024. godine.

JU Kantonalna bolnica Zenica je, u skladu sa odobrenim sredstvima, uzimajući u obzir ranije zaključene ugovore za tekuće održavanje, utvrdila raspodjelu planiranih sredstava na način da se za tekuće održavanje medicinske opreme, po zaključenim ugovorima, odnosi 887.821,85 KM, za održavanje informacionih sistema 92.476,80 KM, a iznos od 519.701,35 KM se odnosi na

održavanje medicinske opreme i informacionih sistema po ugovorima koji će biti zaključeni u toku 2024. godine.

R. BR.	PREDMET NABAVKE	DOBAVLJAČ	VRIJEDNOST PO VAŽEĆEM UGOVORU (KM)
1	ODRŽAVANJE MEDICINSKE OPREME		887.821,85
1.1	Usluge održavanja medicinske opreme proizvođača "Siemens" u Službi za radiologiju (MR magnetom, T Somatom Definition AS40, Axiom Iconos MD, Multix Top)	Siemens Medicina d.o.o. Sarajevo	450.450,00
1.2	Usluge održavanja medicinske opreme proizvođača "Siemens" u Službi za radiologiju (CT Somatom Emotion)	Siemens Medicina d.o.o. Sarajevo	9.750,00
1.3	Full održavanje medicinske opreme proizvođača "Siemens" - ultrazvučni aparati	Siemens Medicina d.o.o. Sarajevo	35.100,00
1.4	Servisiranje i održavanje medicinske opreme na Odjelu radioterapije (Linac Electa)	Medpoint d.o.o. Sarajevo	222.836,25
1.5	Održavanje Gamma kamere Picker	Medpoint d.o.o. Sarajevo	19.265,60
1.6	Verifikacija medicinskih uređaja	Verlab d.o.o. Sarajevo	120.000,00
1.7	Usluge održavanja medicinske opreme "Fresenius"	Fresenius Medical Care d.o.o. Sarajevo	30.420,00
2	ODRŽAVANJE INFORMACIONIH SISTEMA		92.476,80
2.1	Usluge održavanja softvera AFIS	Afis d.o.o. Tuzla	60.489,00
2.2	Usluge održavanja i servisiranja IMPAX (PACS/RIS) sistema	Berg d.o.o. Sarajevo	6.084,00
2.3	Održavanje laboratorijskih informacionih sistema RGB Analysis Renovatio RGB Analysis Mikrobiologija	Wizard Health d.o.o. Mostar	25.903,80
3	OSTALO ODRŽAVANJE MEDICINSKE OPREME I INFORMACIONIH SISTEMA		519.701,35
	UKUPNO (1+2+3)		1.500.000,00

Transferisanje sredstava JU Kantonalna bolnica Zenica vršit će se u skladu sa pojedinačnim odlukama Vlade Zeničko-dobojskog kantona o odobravanju sredstava.

Za transferisanje sredstava korisniku ovog Programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

VII. IZVJEŠTAVANJE KORISNIKA

JU Kantonalna bolnica Zenica dužna je izvjestiti Ministarstvo zdravstva o namjenskom utrošku sredstava na način kako će biti određeno pojedinačnim odlukama o odobravanju sredstava.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 46. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 21/23) o utrošku sredstava po ovom programu polugodišnje izvještavati Vladu Zeničko-dobojskog kantona.

PREMIJER

Nezir Pivić

Broj: 02-11-2654/24

Datum, 09.02.2024. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.